

P. diuturna Schltr., nov. spec:

Epiphytica, erecta, florifera usque ad 40 cm alta; rhizomate valde abbreviato; radicibus filiformibus, flexuosis, glabris; caulibus teretibus, vaginis 2 alte amplectentibus, pallidis, magna pro parte obtectis, 4,5—6 cm longis, 2,5 mm diametro; folio ligulato, obtuso, basi cuneato, carnososcoriaceo, usque ad 13 cm longo, medio fere 2 cm lato; inflorescentia singula erecta, folium demum 2—3-plo superante, pedunculo gracili, paucivaginato, folium fere aequante, racemo flexuoso, sensim evoluto, diuturno, laxe 15—20-floro, bifario, usque ad 20 cm longo; bracteis lateraliter compressis, dorso carinatis, lanceolatis, acutis, ovarium fere aequantibus; floribus in genere mediocribus, suberectis, aureis, glabris; sepalis intermedio ovato, acuto, dorso carinato, 1 cm longo, lateralibus oblique oblongis, acutis, dorso carinatis, intermedio aequilongis, sexta parte basilari tantum connatis; petalis oblique ligulatis, apiculatis, infra apicem paulo dilatatis, ima basi breviter decurrentibus, 6 mm longis; labello curvato, linguiformi, obtusiusculo, petalis fere aequilongo, breviter unguiculato, supra basin latere utrinque margine lobulo falcato-triangulo subacuto brevi donato; columna leviter arcuata, 4,5 mm longa, clinandrio dorso alto, denticulato, pede brevi; ovario cylindraceo, minute verruculoso, cum pedicello fere aequilongo glabro c. 5—6 mm longo.

Panama: Veragua-Distrikt, etwa in Meereshöhe — no. 172.

Eine sehr charakteristische Art, bei der die Infloreszenz sich sehr langsam entwickelt, so daß sich die Blütezeit über eine längere Zeit erstreckt. Am nächsten steht die Art wohl der *P. Johannis* Schltr. aus Guatemala, ist aber in den Blütenteilen sehr verschieden.

Die Färbung der Blüten ist goldgelb.